



VOL. VI. NO. 5.

APRIL 10, 1899.

WOKAJUJU MAZASKA WANJL.

TIYOPA KIN CIQADAN QA CANKU NAKUN OJISTIVEDAN WICONI IYAHDEI QA WICASTA TONANA IYETAPI EGE. TIYOPA CIQADAN KIN HE OINA YA PO. MATTE.

RT. REV. MONSIGNOR J. A.
STEPHAN

March, 19, ehan wowiyuskin tan-
ka. Sinasapa wicahca wacantkiya
wan anpetu wocante waste wan yuha.
Rt. Rev. J. A. Stephan, Ikcwicasta
takodawicaye hee cin qa Washington
en on, qa Catholic Dakota wocekiye
qa woonspe on owicakiya on tunkan-
sina ti en saan kin hee. March, 19,
econhan Monsignor Sinasapa kagapi
waniyetu wicemnazaptan.
Waniyetu wicemnazaptan
sinasapa nina tehan sinasapa, wanjig-
jina anpetu wowiyuskin kin he wan-
yakapi. Heon etanhan tomi takoda-
yapi kin owasin kici iyuskinpi qa
Wakantanka wopida eciyapi, hecen
Dakota Catholic hecapi kin ija kici
iyuskinpi iyececa; ecin he takodaku-
pi, qa wicahca tka econhan tunkan-
sina ti en hen on qa owicakiye cin he-
on. Omaka 1822 ehan Gissipheim
otonwe, makoce Baden eciyapi kin
hen tonpi, qa May 1849 en America
makoce kin den hi. Omaka 1878 qa
1882 henanyan Inyan bosdata kin
hen ateyapi. Hen iyohakam tunkan-
sina tipi heci i qa hehantanhan hen
Ikcwicasta owicakiya on.

Nakun St. Joseph takodaya. St.
Joseph taanpetu econhan sinasapa
kagapi, qa miniakasapi qehan Jo-
seph eciyapi, qa March 19, debantu
kin econhan sinasapa ehanhan wani-
yetu wicemnazaptan kin on wo-
wiyuskin yuha. Ito St. Joseph tan-
yan awanyake qa tancan zaniyan on
qes, qa ito Wakantanka waniyetu o-
ta wozani qu qa yawašte qes hecen
Dakota Catholic hecapi kin woonspe
tawapi kin tanyan owicakiya nunwe.
Dakota kin tipiwakan wastešte qa
woonspe tipi yuhapi kin bena owica-
kiya on etanhan okhipi, wiyohinyan-



RT. REV. MONSIGNOR J. A. STEPHAN.

pata takodaku waste ota qa bena he
tipiwakan qa woonspe tipi kin kah
wicasi ca econpi ece; heon etanhan
Dakota kin iyuskinpi qa Wakanta-
ka ekta wocekiye on kiksuyapi kta
iyececa. Ad multos annos! Tehan
ni nunwe!

Fort Totten, N. D. March 25 en
Louisa te, Louis Mazakabomni qa
Itokabkinajinwin eunwintupi.

Ft. Totten, N. D. March 23 ehan
Arthur Thompson cinca hoksina te.

Lower Brule, S. D. Mar. 20, 1899.
March 4, kin en Cecilia Iron water
te, Ben Iron water na Mary Iron wa-
ter eunwintupi, waniyetu noupa.

March 18, kin en Agnes te Gunny
sack lodge na Mary Cannonpawašte
win eunwintupi; lena sinasapa tiwa-
he etanhanpi heon blaotann.

Wm. Smith wowapi iaga.

Crow Creek, S. Dak. March, 17th,
Sophie Fourcloud te. Joseph Four-
cloud eunwintku, waniyetu noupa
saupa wi yauui.

Crow Creek Agency, S. Dak.
March 18, 1899.

Hunkpati oyate onpi kin, cya he
kta washe eiqon hehan tehiya wakipai
cayaya edocaya ptawanyapi qa fo-
kakapi yuhapi kin atyakin sotapi.
dehan kin wocawapi nunka. nya
taku yuhapi qon bena awicatakapi sni
kta. Wakantanka hecetu da e dakas
wakipapi. Wakantanka waonsida
dakas dehan ateyapi wan waste yuhapi.
taku wokuwa otelinte cin iyuha na
sagya ked kowa qa dehan taku wan
wana waniyetu tona kuwa lanpi qon
wana iyecece wicakiciyustan yelo. Toka
wi kin April hehan mazaska cinca kin
\$6000 icupi kte do. Hehan nakun tokata
December wi kin ed \$167,000 taniyan
icupi kta. wakipapi kin Washington ed
hecece wicakiciyustanpi do.

Hehan de wetu kin wojupi su kin de-
ced icupi kte do. 7000 bus. aguyai su,
550 bus. wayahota sn. 100 bus. wakna-
leza su. Ho deced ake Wakantanka
waonsida kin ikpazo. Mitakuyepi ohin-
nayan Wakantanka etkiya awacin po:
hecena wacinayan po. hecena wowansi-
da qa wowasina unpe kin okna yuha
yauke do.

John Sherman te o, akapi qon wicaka-
pi sni, ees saupa aksni aya nakaba tan-
yan oyakapi.

Manila March 22, econhan Tunkasina
taakicita kin Philipinos kin token wi-
cakuwapi kta iyukeanpi qon wana ecen
ecawicakiconpi kta, qa wicayuzapi kta
iyukeanpi.

pe, Kaupiwin, Mille Split, Jennie Garceaux, Wiiteskawin. Ho henakeape. Ho mitakuyepi, lena tokata October he-banyan itanipi kte. Ake mitakuyepi. St. Mary owancaya yaonpi kin hena taku wakan on wasakwicayakiyapi wacin ye. Mitakuye waste St. Mary owancaya yaonpi kin iyuha cante waste nape ciyuzape.

JULIA P. ROUSSEAU.

WAKANKICIYUZAPI.
MINIAWICAKASTANPI.
WICATA.
TAKUSNISNI.

Fort Totten, N. D. March, 4, 1899. Charles Joseph miniakastanpi, waniyetu nonpa, Charles Hamilton qa Elizabeth DeCoteau cincapi.

¶¶

Ft. Totten, March, 18, Joseph miniakastanpi, wi yamni, Luke Hante qa Annie Sapewin cincapi.

¶¶

Ft. Totten, March 19, Joseph miniakastanpi, Albert Caske qa Maggie Kiliawin cincapi.

¶¶

Fort Totten, N. Dak. March, 19, Joseph Andrew miniakastanpi, anpetu shadogan, Daniel Rondeau qa Olive Dubois cincapi. Owasin Rev. Father Jerome Hunt O. S. B. wicakiciyustan.

¶¶

Ft. Totten, N. Dak. March, 19, '99. Joseph Sunkahowaste qa Katherine Ziwin kiciyuzapi wakan en icikoyag wicayapi. Rev. Father Jerome Hunt O. S. B. wicakiciyustan.

Little White River, S. D., Alfred Twohearts cunwintku Jan. 14, 1899, hehan te.

¶¶¶

Louis Bearbeel cunwintku Jan. 30 1899, hehan te.

¶¶¶

Antoine Bordeaux tawien Capawastewin March 8, hehan te.

W. J. B.

Archbishop Chappelle hekta anpetu wakan nonpa ecetu gehan Havana wita kin en i. Bishop Santander qa sinasapa priest opawinge nom hena itkokipapi. General Brooks, kici Wocekiye taku iyowaja kin hena iwohdake kta. Pope Sinasapa I-

tancan lice cin he heci kahnihi ye si. Miniowanca akotanhon makoco wan Corea eciyapi hen minitan qa wicasta kektopawinge nom tapi.

John Sherman hekta Secretary of State tka qon wata wan Paris eciyapi kin ohna ta. Lancaster, Ohio, en May 10, 1823 ehan tonpi. Akicita itancan wan ocaston on e General Sherman eciyapi qon he de sunkaku.

Wiyohinyanpata March, 19, ehan tate tankinkinyan yukan qa taku ota ibangya qa wicasta ota ko wicakte.

Oak Creek Station.
St. Bede's Church.
March, 1899. S. Dak.

Dear Sinasapa Taeyanpaha:-

Wicoiye conala miyecilaotanin kta wacin ye lo. St. Joseph na St. Mary maka owancaya yaonpi kin mitakuyepi bliheca iciyapo, Eyanpaha kin oyakiyapi kta iyecetu we lo. Na he onyutankapi kin Sinasapa aicage cin he chinnyan nakicilhonnyan onqonpi kin he waste ye lo. Na le omaka kin St. Joseph O. na St. Mary O. oitancan kin iyuha naonkicilhonpi na Christmas wowiyuskin wayaglaotaninpi kin wanjigji wanblake lo, onkan heon icante mawaste na wowapi kin le wakago lo. Sinasapa el wowicala onyuhapi kin ataya wicaonlapi kta iyecetu we lo.

Ho he awaoncinpi hein kte qon he e ye lo. Inyanboslata el tipiwakan 7 sakowin onyuhape lo. Na St. Joseph okaape sakowin el onqonpe lo, na St. Mary O. sakowin onpe lo. Ho hena owasin wicayusutapi el onpape lo na lecala opapi kin hena bloketu kin ins eya econpi kte lo, na owasin wakankiciyuzapi econqonpe lo, na tona tansna onpi kin hena nakon heconpi kta; na oyasin pehin onkashape lo, na heyake wanjila onyuhape lo. Na Lakota wokoyake heca onyuhapi sni ye lo. Na winyan kin ins eya Lakota winyan wokoyake heca yuhapi sni ye lo, na tohanyan onnipi kin hehanyan hecel onqonpi kte lo na Sinasapa wicasta wakan kin wicunyuonihanpi na ins eya onyuonihanpe lo. Ho lena on etanhon wicasta wakan tob wicunyuuhape lo. Na St. Joseph O. kin 4th of July canna ece omniciye onyuhapi tka ye lo. tka Pine Ridge na Rose bud el St. Joseph yaonpi kin 4th of July omniciye kin etanhon patokan iyeonyayape lo, 4th July wico-skate kin el oyapapi na enayakiyapi

na ake omniciye tanka kin el oyapapi kta ca on hecanonpi nacece lo. Ho mitakuyepi tuwa wowiyuskin nom yuha kinhan onman ayustan kta iyecetu we lo, na Wakantanka tawowiyuskin kin hecelu yuha kta iyecetu we lo. Ptiuhan Kulwicaa tipi el omniciye tanka na Matowakpala ekta naonhonpe lo. Ca ekta nongoptan onyankapi ye lo. Ijehan waglaotaninpi kta iyecetu we lo. Na Sinasapa omniciye kin sam aicah ayin kta oncinpe lo, ca oyasin slolyakiyape lo. Ho he wicaonkapi hecinhan Matowakpala ekta omniciye kin yewacannipi wasteke lo, wicasta wakan na St. Joseph conala ob iyotiyekiya wowasi econpi ca heon hepe lo. St. Joseph O. St. Mary O. cante wasteya nape ciyuzape lo.

Nitakolapi wangi miyeye lo.

JOHN GRASS, SR.

Nahanhecin ni waon we lo.

Ft. Totten, N. D. March 19, '99.

Iye hecen Wakantanka iyokipi kin heon etanhon hunkawanjin wicunyanpi Michael Wasuicasmamani qa Joseph Mead tewicashindapi kin tantanhon atkukupi kin ieu.

Heon etanhon St. Joseph okodakiye owasin witaya onkinajinpi qa decen onkiciconzapi:

Koska henaos okodakiciye itancanpi qa deban tehiya wakipapi keonkecinpi qa wocante sica iyahdepi kin onkis eya ob cante onscapi.

Nakun isanpa taku onkiciconzapi kin dena Eyanpaha kin en owapi qa wicauppi kta.

IGNATIUS T. COURT.

JOSEPH C. JACKSON.

JOHN TATANKAPA.

FRANCIS TUNKANWAKANNA.

Cheyenne Agency.

Magaska oyanke etanhon.

March 3, 1899.

Sinasapa Wocekiye Taeyanpaha:-

Ito mitakuye waste kin ake lehanl taku wangi on ciksuaya ca heon ociciyaka wacinye lo. Oct 14th 1898 hehan St. Joseph okolakiciye kin oitancan wicakahnigape lo. Ho mitakuyepi, lena wicayustanpe lo.

Charlie Cleymore, itancan. Charlie Half, okihe. Douglas Swan, wowapi kaga. Basil Cleymore, mazaska awanyaka. Sunkahain, iapi awanyaka. Samuel Rosseau, wiyokihe yuha. Paul Magaska, wainnaya. Warblichanko, tiyopa awanyaka. Edward Narcelle, wayazan awanyaka. John Cleymore, wayazan awanyaka. Paul Rousseau,

Joseph Hoksilamaza, James Wable, Charlie Tunweya, Wakutemaza, lena wikliklapi.

Ho lena tokata October hehanyan taku wakan wowasi ecakiconpi kte lo. Ho henala epin kte lo ca St. Joseph oyasin cante wasteya nape ciyuzape lo.

Nitakolapi wangi miyeye lo.

CHARLES HALF.

Swan oyanke etanhon.

March 4, 1899

Sinasapa Wocekiye Taeyanpaha:-

Ito eya ake ciksuaya on cante wasteya wowapi cign kte, insa miye iyata yela tokel awamiyicin waon kin heca ca omiklakin kte. Eya mitakuyepi lehantu tokel St. Mary okolakiciye yaonpi kin oyasin Feb. el naclhonpi, yunkan hla icante mawaste ye, yunkan he on mitakuyepi niyepi on wopila bluhaye. Eya mis miye kin le takuni owakahnige sni ye, yunkan mitakuyepi, niyepi kin on taku wanjikji owakahnige, yunkan heon ito mitakuyepi miye kin takuni tanyan owakahnige sni ye; hececa esa heon iyo-winmiciyin kte ca hecel awacaami sni ye. Lehantu kin wicasta ota ye, yunkan mitakuyepi anpetu iyohila wakta waon we; heon etanhon mitakuyepi, toka unyanpi napepi etanhon unkliluspapi uncipi, on etanhon okolakiciye wakan onpape. Heon etanhon hankounkicapi

kte sni ye, icin iye taku wakan unkauppe, na wokluzeze tanka ongupe, heon taku wakan oye kin wowasake tanka ye. Iho incin tuwa taku wakan ihakam yin kta cin kes owanjila yuha wajin kin he anpetu iyohila hankokipe, heon tuwa hankokipa cin sni kin ohinnian taku wakan taku iwahoye qun hena ohinni kiksuya on kin he anpetu kin oyasin iyuskin iye ceca ye. Incin taku wakan oie kin he naonhonpi sni qon hehan wonihinciye unyuhape, tka lehantu mis ohinni cantewasteya waon, Incin iye taku wakan awaonyakape, heon St. Mary owasin cantewastepi iyecaca ye. Ho hehanl Inyanwoslahan etanhon koska wauji tuwa sinasapa opa yunkan sinaska el opa keya yunkan heon etanhon taku wangi awacanmi ye, incin owacekiye yamni unyuhape yunkan miye winmaya kta tokoca le owacekiye yamni kin el iwanblake! Jesus wancala hiye tohinni nupa hi sni ye, na ins yamni hi sni ye, iho mis leon owacekiye owape wancala hi, na sinasapa kin he woope wicaqu na wankanl kikle na ake tokata hi kta oiklake na kikle. Ho eya tuwa le okahnige cin sinasapa wocekiye kin opa iyecetu we, eya koska sinaska opa yukan heon cante kicisica keye cin he mis eya icantemasice, incin tuwa Wakantanka tokiconze tokaheya kin etanhon iklutokan kin na tokehci owacekiye wan el ceya wocekiye eya he sa wana he wocekiye opa sni ye.

Iho mitakuyepi, inſe le niye iyatayela le olma wicawala ca heon taninyan owaklake. Mitakuyepi St. Jos. na St. Mary oyasin cantewaste ya nape cikluza pe.

JOSEPHINE IYATANINWIN.

Cankpe Opi Wakpala,
Pine Ridge Agency S. Dak.
March 3, 1899.

Mitakuyepi;

Taku wanji yaotanin cisi kte lo. Cankpe-opi-wakpala el lila onhunkapi ſni ye lo. Wiuyan wanjila kici lila bliheonkieiyape lo, tka wana winyan kin wacinwosaka ca toke ske. wahan kisa wowaciyin kin icagin kta hwo ecanmi ye lo. Wowacinye kin icage ſni kin he tuwa omakiyara lila ota icagani ecanmi yelo. Tuwe kesa woyajupi can tuwa omakiya ca ota icagani ecan nipi nacece lo. Hobe, iyecel lehanl si nasapa cinye omakiyapo; wowaju kin icaga wacin ye lo. St. Joseph na St. M. omnicieye wanji icagani ecanmi ye lo. Hehanl mitakuyepi taku wan wahoriyapi kte lo. Waonspe ſni outapi kte ſni ye lo. eyaſ yahipi can lila wahokonyakiyapi wacin ye lo. Onkiſ tokel onko kahniyapi kin onkoniciyakapi kta on cinpe lo. Hehanl lena itaneampe lo.

Joseph Zirkalawaste, Hehlogeca, hena itaneampi. Wakinyan-wakab, lapi awanyaka. Tasukewakinyan, wowapi kaga. Jerome Hehakaciqala, olowan itanean. Wawoyuspa, mazaska awanyanka. Hehakawanbli, wayazan awanyaka. Ho lehanl waklaotanin wacin ye lo. Hehanl lenakoca on oyokipi onynape lo. \$2.27 onkiſnala kuciyala waeconqonpe lo. Cankpeopi etan mitakuyepi wana nape ciyuzape lo.

JEROME LITTLE ELK.

Little White River Issue Station,
Rosebud Agency S. Dak.
March 10, 1899.

Sinasapa Wocekiye Taeyanpaha;
Kola waste kin;

Christmas olowan kin le lakota iyapi oknayan wakage na he iwanlakin kta on hiyucieye lo, na hehanl taku wan kiksuya ciya wacin ye lo; yunkan he wocekiye wowapi yutan kapi kte kin he el wicahapi el wocekiye eyapi kin he el kagapi kta uncipi kin he e yelo. Ho hehanl le omaka kin tipi wakan wan Little White River Issue Station el unyuhapi kte lo; tipi wakan kin he mazaska opawinge ake zaptan (\$1500.00) on kagapi kta tka ye lo, tka wacante oknakapi wacanlikiyapi na wawokiyapi waste on mazaska kin le okise \$750.00 Big Oak Creek el St. Joseph na St. Marys unpi kin wicunqupi, na iſeya mazaska kin hena on tipi wan yuhapi

kte lo. Tipi wakan wan unyuhapi kta cin he mazaska opawinge ake zaptan on kagapi na toklei waste kta tka qun he hecela iyecelbei waste kta ca on Little White River el St. Jos. na St. Marys unqunpi kin mazaska opawinge san nom muanukiyapi kte lo, na onma kin, ate waste kin, Rev. P. Flor. Digmann S. J. kin unkiyuecetupi kte lo. Na inſeyu Big Oak Creek St. Jos. na St. M. unpi kin iyecel ecunpi kte lo, na he el ate waste kin, Rev. Flor. Digmann S. J. kin wicakiciyuecetupi kte lo. Ho taku toka heya epin kta wacin kin he le e yelo. Ate waste kin, Rev. P. Flor. Digmann S. J. tipi wakan unyuhapi kte kin el wocekiye tankinkinyan unqunpi kte cin on awecekehan wopila unqunpi na Wakantanka iceunkieiyape lo. Ho hehanl ake taku wan epin kta wacin kin le e ye lo. Mitakolapi, wicasa wakan oyanke iyohila ecel wicannyuhapi kin, hena maka kin le akanl unqunpi kin icunhan tokel tanyan unqunpi kte cin he unspe unkiyapi na nakun tohanl untapi kin tokel unnagipi kin Wakantanka tawo-wiyuſkin owihanke wanice el ipi kte cin he unspeunkiyapi na he awecekehan wacintanka watukaklaſni unspenukiyapi na heon wana ikece wicasa ota tokel unnagipi kte cin ſolunkiyapi, na heon wicasa wakan wicannyuhapi kin hena awecekehan wopila wicunqunpi na wowaſi itawapi kin el sanpa Wakantanka iwaſakwicuyin kta ca hecel icewicaukiciciyapi kta iyecceca ye lo. Na wicannyunihanpi kta na anawicungoptanpi kta iyecceca ye lo; hena maka akanl Wakantanka taoklikilepi kin heon. Ho hehanl ake taku epin kta wacin kin he le e yelo. Wawokiyani waste wan ecunqunpi kepe lo, yunkan tona christian heca iklawa unqunpi hecin hena wawokiyapi waste kin he ecunqunpi kta ca wiyeya unqunpi kta iyecceca yelo, wawokiyeye waste kin he Wakantanka wastelake lo ye lakas waunliatanipisa kin unnipi cin on cinca eceela kin na iyotan wastekilake cin on onkiyapi na heon wiconi oihanke wanice cin unyuhapi kte na nakun anpetu iyohila tohanyan maka kin le akapi ni unqunpi kin hehanyan. Ni unqunpi kin le e na taku unyuhapi na woyute unyutapi na taku keſaſ on unkiwastipi kte cin hena Wakantanka wawokiyapi waste on hena onkiyapi. Ho hecel hena unkiſuyapi na iyuſkinyan wawokiyapi waste kin on tipi wakan na wicasa wakan na wicasa unſikapi, na wicasa wawazankapi kin iyowincola owicaukikiyapi kta ca wiyeya unqunpi kta iyecceca yelo. Ho hehanl ake le epin kta wacin yelo. Mitakolapi, St. Jos. na St. M. tonakiya yaunpi kin hena oyasin cicape lo. Mato Wakpala el Pine Ridge S. Dak. oyanke el bloketu kin Catholic Congress yuhapi kte lo, yunkan oyasin iyuſkinyan wawokiyapi waste on wotanin waste kin

wicunqayapi kta ca wiyeya unqunpi kta iyecceca yelo. Oyanku kin he el St. Jos. na St. M. unpi kin tokceapi kin klaotaninpi kin heon hepe lo. Mitakuyepi, wawokiyapi waste kin icante waste ya eenequnpi kin wicayasupi anpetu kin el wicasa oyasin wicetokap hena iyuſkinya waunlakapi kte lo, na hena on unnagipi kin Wakantanka woyawaste tawa kin iyounkipi kte lo, na heon wiconi owihanke wanice el unqunpi kte lo.

Mitakolapi, hehanyan epin kte lo. St. Joseph na St. Marys oyasin cante waste ya nape ciyuzape lo.

WM. BORDEAUX

Okolakiye itanean.

Mr. Bordeaux, tokeſta wicahapi kta ca wocekiye onpiece kin hena on eunhakapi kta, tokeſta unkiſuyapi kte do.

Hehan odowan wan duleska kin tanyan hee ſni seececa, ſicaya yakaga hee ſni, tuka ho onnaka kte cin he waku, tuka tokeſta iwaonyakapi kta.

EYANPAHA,

per I. Court.

Rosebud Agency,
S. Dak.

Mitakuyepi miſ lehanl taku ota epin kte ſni tka opceleyela takun epin kte. Eya unkiſ St. Mary omnicieye kin Christmas el mazaska 13.25 on wowiyuſkin eennqonpe. Na St. Mary omnicieye kin wanna tona woopie okna sutaya opapi kin hena hecel lel ouſkanpe. Ho hecel unkiye waunliatanipi on iye Wakantanka Cinbuntku kin wicasa omceage un makata hi niunkiyapi kta un etanhan, unkiſ hecel wokiksuye unyuhapi. Ho eya taku ota epin kta blubaka lehanl he epin kta owakihi ſni ye, ho hehala epin kta ca iyuha nape ciyuzape

LOUISA DEVILLE Unciyapi.

Rosebud Agency,
St. Francis Mission.

S. Dak.

Eyanpaha kin, mitakola;

St. Joseph okolakiye tipi wakan el onqonpi qon he malipiya iyagleya heon etanhan taku wan lehanl epin kta wacin. Jesus waonspewicakiye cin wikoſkelaka wicemna, yunkan etanhan zaptan pelijanjan ihupa on iyokaſtan yuhapi lakas malipiya wiconze kin ekta ipi okihipi. Wikoſkelaka witkotkokapi zaptan hecapi lakas pelijanjan iyokaſtan okla takula yuhapi ſni na aokpazapi hecel onnapi kin wicakilapi tka kſapapi hecel wicunqunpi ſni. Ho iyecel Lakota oyatepi tona St. Joseph okolakiye kin wi otoiyoſi topa wakan woglakapi na Yutapi wakan icupi kta. Ho hecel tona hecunpi kte cin hena wiyeya onpi kta na tona wocekiye el

onpi ſni kin hena okpaza ekna onpi. Hecel on etanhan hena ojanjan ekta wicayuhomnupi kta iyecceca heca kinhan hena nagipi kin niwicaukikiyapi kta iyecceca. Heon etanhan Eyanpaha mitakola lehanl isto uciye lo Lakota oyate tona Wakantanka erkiva onkiſconzapi hecinhan hena ho nanilionpi ehantanhanſ ake blihecap kin iyecceca walake. St. Joseph St. Mary lel onpi kin nun wakankiciyu zaru Taſunkewakita na Wapahaotuhanwin kicica.

PETER WAKLEKŒUTASKA.

WAMANICA TOHINNI MINI-YATKANPI ſNI.

Maka akan wamanica ocaje tonaken tohanyan nionpi kin hehan mudi ongena yatkahpi ſni; zikana wan otowetanka wan London eciyapi kin heon waniyetu wicemnazaptan san nom yuhapi. tka tohinni mini ongena yatke ſni, qa wicasta wiyuſkean kin maſina kin nakun mini yatkanpi ſni iyukeanpi. Taku sdo han ocaje wanjiſi mini wanice en onnyanpi eſta nionpi.

Manila March 19, ehan okicize tuka Philipinos napowicayapi, qa Tonkanſina taakicita kin oliyapi, nom wicaktepi qa akeyamni tawicayapi qa unnan eciyatanhan tahiya elipewicayapi.

Oct. 13, econhan Tunkanſina wata ikicize tawa wan Oregon eciyapi kin Manila hetkiya iyaye qon March 18, econhan wanna i

China makoce ekta Sinasapa wan Father Victorian eciyapi, e icakiſya ktepi, Can akan otkeyapi qa hehan maku yubdazapi qa hinakaha yutapi qa we ko yatkanpi

March 18, 1899 anpetu kin econhan wiyohiryanpata Arkansas, Mississippi, qa Alabama makobaſpe kin hena en ta te tankinkinyan qa taku ota kionniyan qa wicasta akeſahdogan wicakte qa wicemnanom san wanji kionniwicaya.

New York March 19, 1899 en owote tipi wan ide qa wicasta ota ſapi iyukeanpi. Wicemnazaptan nahalein iye wicayapi ſni. Wanji, E. P. Wells eciyapi e owajanjan hdepi ohna eyokasin yukanpi econhan ſota kin wanyaka heon hahonta wan ieu qa cuuwintku ciſtina wan nitkaſeya iyakaſte qa xuniyeya hecen kuya ſkanpi kin icapi, ake hahonta kin ieu qa tawieu kin iyecen iyakaſte qa kuya zaniyan hdiheya, hehan ake ſa hahonta kin heon tanyan kuya hdihan qa hecen niſciyapi.